



Y Bwrdd Rheoli Management Board

**Cofnodion 18 Ionawr 2010, 14.00–16.00
Ystafell Gynadledda 4B**

Yn bresennol: Claire Clancy (Prif Weithredwr a Chlerc) (Cadeirydd)
Keith Bush (Cyfarwyddwr y Gwasanaethau Cyfreithiol)
Adrian Crompton (Cyfarwyddwr Busnes y Cynulliad)
Non Gwilym (Pennaeth Cyfathrebu Allanol)
Sulafa Halstead (Pennaeth Gwasanaeth y Pwyllgorau)
Steve O'Donoghue (Pennaeth Adnoddau'r Cynulliad)
Mair Parry-Jones (Pennaeth y Gwasanaeth Cyfieithu a
Chofnodi) Kathryn Potter (Pennaeth Gwasanaeth Ymchwil yr Aelodau)
Connie Robertson (Pennaeth Ystadau a TGCh)
Craig Stephenson (Pennaeth y Rhaglen Newid)
Ian Summers (Pennaeth yr Uned Gorfforaethol)
Sian Wilkins (Pennaeth Gwasanaethau'r Siambr a
Deddfwriaeth) Cathryn Newman (Ysgrifenyddiaeth)

Mike Snook (ar gyfer eitem 3, 4 a 5)
Deb Hill (ar gyfer eitem 3, 4 a 5)
John Chick (ar gyfer eitem 5)

1. Cyflwyniadau ac ymddiheuriadau

Cafwyd ymddiheuriadau gan Dianne Bevan. Nid oedd unrhyw ddatganiadau o fuddiant.

2. Cofnodion y cyfarfod a gynhaliwyd ar 12 Tachwedd 2009

Cytunwyd bod y cofnodion yn gywir.

Ffocws strategol

3. Rhaglen datblygu arweinyddiaeth

Cyflwynodd Claire Clancy ei phapur a'r testun o dan sylw oedd y cynnydd a wnaed gyda'r raglen datblygu arweinyddiaeth. Awgrymodd y ffordd ymlaen ar lefel strategol a gweithredol. Cytunodd y Bwrdd fod angen ailedrych ar y rhaglen, a hynny er

mwyn penderfynu sut i'w chyflwyno i'r staff a ddechrauodd ar ôl i'r rhaglen ddechrau, ynghyd â staff a gaiff eu penodi yn y dyfodol.

Cytunodd y Bwrdd ar yr argymhellion a ganlyn:

- Bydd grŵp gwirfoddol, a fydd yn cynnwys Claire Clancy, Adrian Crompton, Steve O'Donoghue, Kathryn Potter a Connie Robertson, yn cwrdd i lunio cynllun strategol newydd ar gyfer 2010-2011. Byddant yn gofyn am fewnbwn gan eraill, ac yna byddant yn ystyried y cynllun yng nghyfarfod nesaf y Bwrdd Rheoli ar 25 Chwefror;
- Bydd Sulafa Halstead yn cwrdd â Mike Snook a Deb Hill i drafod sut i symud ymlaen â gweddill y pwyntiau bwled o dan paragraff 3.6 yn y papur. Roedd y pwyntiau yn canolbwyntio ar ddatblygu a chyflwyno elfennau dysgu, hyfforddi, arweinyddiaeth a gwerthuso'r rhaglen;
- Cynnwys yr agenda newid yng nghynlluniau strategol 2010 a 2011;
- Y Bwrdd i ystyried y ffordd orau o ddatblygu fel arweinwyr o ansawdd uchel gan ystyried eu proffiliau MBTI.

Penderfyniadau busnes

4. Buddsoddwyr mewn pobl

Cyflwynodd Deb Hill y papur. Roedd y papur yn esbonio'r broses asesu er mwyn sicrhau bod y Cynulliad yn cyrraedd lefel nesaf y safon Buddsoddwyr mewn pobl gyda'r bwriad o ennill gwobr Efydd, Arian neu Aur. Bydd hyn yn dangos y cynnydd a wnaed gennym ers yr asesiad cyntaf ym mis Ebrill 2009.

Cytunodd y Bwrdd ar yr argymhelliad ar gyfer ail asesiad.

5. Adborth Cyfnewid

Cyflwynodd Claire Clancy y papur. Gofynnwyd i'r Bwrdd nodi'r holl adborth a dderbyniwyd gan staff ar "Sut y gallwn wella ein gwasanaeth i gwsmeriaid". Cytunodd y Bwrdd ar y pwyntiau a ganlyn:

- Bydd pob pennaeth gwasanaeth yn gwirio unrhyw gamau sy'n berthnasol i'w hadrannau;
- Bydd John Chick a'i dîm yn adolygu'r adborth ac yn arwain trafodaeth yng nghyfarfod nesaf y Bwrdd Rheoli ar 25 Chwefror;
- Bydd pob aelod o'r bwrdd yn ystyried testunau i'w trafod yn y dyfodol.

6. Risgiau strategol – nod 4 – Byddwn yn gweithio'n gynaliadwy

Gohiriwyd yr eitem hon tan y cyfarfod nesaf.

7. Adroddiad rheolaeth ariannol: Cyfnod hyd at fis Tachwedd 2009

Cyflwynodd Steve O'Donoghue yr adroddiad. Gofynnodd i'r Bwrdd ystyried beth fyddai'n briodol ac yn realistig o ran dwyn gwariant ymlaen i 2009-10. Cytunwyd y dylai ef a'r Pennaeth Cyllid gyd-gysylltu'n uniongyrchol â'r Swyddog Cyfrifyddu mewn perthynas â phenderfyniadau am y cynnig ynghylch y Gyllideb Atodol terfynol am y flwyddyn.

8. Dashfwrdd Perfformiad Allweddol

Nodwyd y dashfwrdd. Gofynnodd Ian Summers i bobl anfon unrhyw adborth neu awgrymiadau ato ynghylch sut i wella.

9. Adroddiad yr adran Adnoddau Dynol ar y prif bwyntiau

Nodwyd yr adroddiad. Bu gostyngiad pellach yn nifer yr absenoldebau oherwydd salwch a chroesawyd hynny.

Papurau drafft Comisiwn y Cynulliad

10. Y wybodaeth ddiweddaraf am brosiect cynorthwyo Aelodau'r Cynulliad

Ystyriwyd y papur drafft a baratowyd gan Chris Reading. Cafwyd rhai sylwadau ar baragraffau 3.5.3 a 3.5.4, a bydd John Chick yn gwirio'r geiriad yn absenoldeb Chris. Bydd Claire Clancy, Keith Bush a Steve O'Donoghue yn ailedrych ar y geiriad yn ymwneud â phensiynau.

11. Pierhead

Ystyriodd y Bwrdd bapur drafft a baratowyd gan Non Gwilym. Gwnaed amryw o sylwadau ar eiriad y papur, ac gofynnwyd i Non ystyried y rhain ac aildrafftio'r papur cyn gynted â phosibl.

12. Rheoli Asedau

Ystyriodd y Bwrdd y papur drafft a baratowyd gan Connie Robertson. Dylid anfon unrhyw sylwadau ychwanegol at Connie cyn gynted â phosibl.

13. Rhaglen dreigl

Nodwyd y rhaglen dreigl ar gyfer papurau'r Comisiwn yn y dyfodol. Bydd papur ar "Wasanaethau Cyfreithiol – Nawr ac yn y dyfodol" yn cael ei ychwanegu at agenda mis Mai.

Dirwyn y cyfarfod i ben.

14. Unrhyw fater arall

Dim.

15. Cyfathrebu â staff

Bydd Connie Robertson yn sicrhau bod y testunau a drafodwyd yn cael eu rhannu gyda'r staff drwy'r dudalen newyddion cyn gynted â phosibl.

16. Agenda'r cyfarfod nesaf

Bydd Sulafa Halstead a Craig Stephenson yn casglu eitemau ar gyfer agenda'r cyfarfod nesaf.

Ysgrifenyddiaeth
Ionawr 2010